



Adresa: Ul. Hamdije Čemerlića 39a
71000 Sarajevo
<http://www.voda.ba>

tel. +387 33 726 422
fax. +387 33 726 423
e – mail: info@voda.ba

Broj: **UP-1/21-1-40-588-5/22**

Datum: **21.11.2022. godine**

Agencija za vodno područje rijeke Save" Sarajevo, rješavajući po zahtjevu Investitora BFS Gesellschaft für Franchise-Systeme d.o.o. Kreševo za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka i dolomita na lokaciji Rastovice i Krčevine, ležište Bjelovići, općina Kreševo u okviru odobrenog koncesionog polja, na osnovu člana 139. stav (1) tačka 3. i 10. Zakona o vodama („Službene novine Federacije BiH", br. 70/06) i člana 200. stav (1) Zakona o upravnom postupku („Službene novine Federacije BiH", broj 2/98 , 49/99 i 61/22) donosi

R J E Š E N J E **o prethodnoj vodnoj saglasnosti**

1. Pravnom licu BFS Gesellschaft für Franchise-Systeme d.o.o. Kreševo daje se prethodna vodna saglasnost za izradu dijela projektne dokumentacije koja se odnosi na ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka i dolomita na lokaciji Rastovice i Krčevine, ležište Bjelovići, općina Kreševo u okviru odobrenog koncesionog polja. Ova prethodna vodna saglasnost može se koristiti isključivo za potrebe izdavanja okolinske dozvole i urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.
2. Ova prethodna vodna saglasnost daje se u svrhu izrade dijela projektne dokumentacije koja se odnosi na ispuštanje tehnoloških otpadnih voda koje će nastati kao posljedica provođenja aktivnost koje se ne smatraju građenjem, a uključuju istražne radove i ispitivanja, kao i aktivnosti na otkrivanju, eksploataciji i preradi mineralne sirovine krečnjaka i dolomita na lokaciji Rastovice i Krčevine, ležište Bjelovići, općina Kreševo u okviru odobrenog koncesionog polja tj. aktivnosti koje mogu trajno, povremeno ili privremeno uticati na promjenu režima voda i ista se može koristiti u postupku dobijanja urbanističke saglasnosti i okolinske dozvole za istražne radove, eksploataciju mineralnih sirovina te preradu iste na predmetnom lokalitetu.
3. Prethodnom vodnom saglasnošću se utvrđuju uslovi za izradu projektne dokumentacije za predmetne aktivnosti iz tačke 1. dispozitiva, kako slijedi:
 - 3.1. Izraditi i revidovati investiciono tehničku dokumentaciju prikupljanja, tretmana i ispuštanja tehnoloških otpadnih voda. Projektna dokumentacija treba biti urađena od strane pravnog lica koje ima ovlaštenje pribavljano od strane Federalnog ministarstva poljoprivrede, vodoprivrede i šumarstva (lista „A"), a u skladu sa članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20, 63/22).
 - 3.2. U investiciono-tehničkoj dokumentaciji treba dati rješenje snabdijevanja tehnološkom vodom za potrebe proizvodnje i za obaranje prašine na transportnim putevima i radnim površinama te za postupak separacije mineralne sirovine krečnjaka i dolomita. Projekat treba

da sadrži odgovarajuće hidrauličke proračune, podatke o mjestu, načinu zahvata vode, poziciju mjerača protoka i sl. Zahvatanje vode u količini do 10 l/s zahtijeva izdavanje odgovarajućeg vodnog akta koji će Investitoru izdati kantonalni organ uprave nadležan za poslove sektora voda.

3.3. U projektu treba dati rješenje prikupljanja, odvodnje i tretmana tehnoloških otpadnih voda koje nastaju na prostoru na kojem će se vršiti separisanje mineralnih sirovina, parking površinama, pralištima odnosno prostorima na kojima će se vršiti pranje radnih mašina, prostoru trafo stanice, skladištu nafte, naftnih derivata, maziva i ulja, radionice za popravku mehanizacije i dr. radno-manipulativnim površinama koje su opterećene suspendovanim materijama, mastima i uljem i koje se trebaju odvojenim sistemom kanalizacije odvesti na odgovarajući tretman. Prečišćene vode nakon tretmana se mogu ispustiti u recipijent koji je potrebno kroz projektnu dokumentaciju definisati.

3.4. Investitor je obavezan da u cilju zaštite vodotoka-prijemnika od zamuljenih oborinskih onečišćenih voda, predvidi izgradnju taložnih bazena u koje će se prikupljati sve oborinske vode sa radnih platoa, otkopnih etaža i dr. manipulativnih površina. Parking prostor i prostor pretakališta nafte je potrebno asfaltirati sa nagibom prema slivnicima i sabirnim rešetkama unutar tog prostora, te ih oivičiti. Izbistrena voda nakon prečišćavanja, oslobođena suspendovanih materija može se ispustiti u definisani prijemnik. U dokumentaciji mora biti naznačen način i lokalitet odlaganja istaloženog mulja iz taložnika sa svim potrebnim mjerama da se isti ne rasipa po okolnom terenu.

3.5. Projekat hidroinstalacija (vodovod i kanalizacija) mora dati rješenje snabdijevanja vodom kao odvojeni sistem za korištenje sanitarne i tehnološke vode, a za kanalizacioni sistem, separatnu kanalizaciju tehnoloških otpadnih voda, oborinskih nezagađenih voda, fekalnih voda i oborinskih onečišćenih voda. Projektom riješiti pitanje prečišćavanja svih otpadnih voda i dati način ispuštanja prečišćenih voda do definisanog recipijenta.

3.6. Investitor u tehničkoj dokumentaciji treba dati takva rješenja kojim će se obezbijediti da otpadne vode prije ispuštanja u prijemnik trebaju da zadovolje uvjete za ispuštanje u površinske vode propisane u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20).

3.7. U investiciono-tehničkoj dokumentaciji treba predvidjeti monitoring okna prije ispuštanja prečišćenih otpadnih voda u prirodni recipijent.

3.8. Izrada projektne dokumentacije treba biti usklađena sa važećom prostorno - planskom dokumentacijom i razvojnim planovima općine Kreševo.

3.9. Da se u okviru projektnog rješenja primjene tehničko-tehnološke mjere koje će spriječiti kontaminaciju voda, tla i zraka.

3.10. Projektom dokumentacijom potrebno je obuhvatiti cjelokupni prostor na kojem će se vršiti eksploatacija mineralne sirovine, separacija mineralne sirovine uključujući i prateće sadržaje i postrojenja na lokalitetu Rastovice i Krčevine, ležište Bjelovići, općina Kreševo.

3.11. Projektom dokumentacijom definisati da se opasni materijal i otpad ne smiju ni privremeno odlagati na česticu „vodno dobro“, odnosno u vodotoke i na njegove obale.

3.12. Projektom dokumentacijom jasno definisati položaj predmetnog prostora u odnosu na površinske vodotoke, tj. Bjelovički potok, sa prijedlogom mjera zaštite.

3.13. Projektom dokumentacijom sagledati sve moguće neželjene uticaje kako na planirane aktivnosti i prateće objekte, tako i planiranih aktivnosti na druge objekte i postrojenja, postojeću infrastrukturu, naselja, druge korisnike voda i sl. i dati prijedlog mjera za uklanjanje odnosno sprječavanje tih utjecaja.

3.14. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.

3.15. Investiciono-tehnička dokumentacija za pribavljanje vodne saglasnosti treba biti urađena na nivou projekta za pribavljanje odobrenja za građenje i u skladu sa uslovima iz ove prethodne vodne saglasnosti.

4. Investitor je dužan kod izrade tehničke dokumentacije predvidjeti odgovarajuće mjere da predmetnom aktivnošću, za koju se utvrđuju uvjeti, ne bi došlo do šteta za okoliš ili nepovoljnih posljedica za vodoprivredne interese.

5. Po izradi investiciono tehničke dokumentacije, u skladu sa uslovima iz dispozitiva ovog rješenja i stručnoj reviziji iste, korisnik prava iz prethodne vodne saglasnosti dužan je da ovaj Agenciji podnese zahtjev za izdavanje vodne saglasnosti, na projektnu dokumentaciju prikupljanje, tretman i ispuštanje oborinskih onečišćenih voda sa prostora na kojem će se vršiti eksploatacija i separacija mineralne sirovine (krečnjaka i dolomita) na lokaciji Rastovice i Krčevine, ležište Bjelovići, općina Kreševo u okviru odobrenog koncesionog polja.

6. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata, a prije izdavanja odobrenja za građenje.

Uz zahtjev se između ostalog prilaže:

- Revidovana Investiciono-tehnička dokumentacija urađena u skladu sa uslovima iz dispozitiva ovog rješenja,
- Rješenje o urbanističkoj saglasnosti za izgradnju objekata za prikupljanje, prečišćavanje i ispuštanje prečišćenih voda u recipijent sa lokaliteta Rastovice i Krčevine, ležište Bjelovići, općina Kreševo izdato od strane nadležnog organa,
- Važeći koncesioni ugovor sklopljen sa nadležnim organom koji se odnosi na eksploataciju mineralne sirovine na predmetnim lokalitetima,
- Rješenje o okolinskoj dozvoli ili potvrda nadležnog organa da ista nije potrebna.

7. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.

8. Ukoliko nakon izdavanja ove prethodne vodne saglasnosti, a u toku pripreme dokumentacije za vodnu saglasnost nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

9. Ovo rješenje o prethodnoj vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Investitor BFS Gesellschaft für Franchise-Systeme d.o.o. Kreševo podnio je zahtjev za donošenje Rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka i dolomita na lokaciji Rastovice i Krčevine, ležište Bjelovići, općina Kreševo u okviru odobrenog koncesionog polja.

Uz zahtjev je dostavljena sljedeća dokumentacija:

- Rješenje o registraciji, broj: 065-0-Reg-10-001185 od 16.04.2010. godine izdato od strane Općinskog suda u Sarajevu – ovjerena kopija,
- Aktuelni izvod iz sudskog registra, broj: 051-0-RegZ-22-000735 od 13.05.2022. godine izdat od strane Općinskog suda u Travniku – ovjerena kopija,
- Uvjerenje o registraciji poreznog obveznika od 20.07.2018. godine izdato od strane Kantonalnog poreznog ureda Novi Travnik – ovjerena kopija,
- Punomoć podnosioca zahtjeva, broj: 789/22 od 27.05.2022. godine izdata od strane Investitora,
- Zemljišnoknjižni izvadak, Katastarska općina Crnići broj: 049-0-NAR-17-000 367 Zemljišnoknjižni uložak broj 706 izdat od strane Općinskog suda u Kiseljaku - ovjerena kopija,
- Kopija katastarskog plana, broj: 6G1-91 izdata od strane Službe za civilnu zaštitu, urbanizam, imovinsko-pravne poslove i katastar nekretnina općine Kreševo,
- Izvod iz Prostornog plana, broj: 06-27-2412/22-1 od 11.10.2022. godine sa izmjenama i dopunama prijedloga plana izdat od strane Službe za civilnu zaštitu, urbanizam, imovinsko-pravne poslove i katastar nekretnina općine Kreševo - kopija,

- Saglasnost-Mišljenje, broj: 22-19-4727/22-1 od 31.05.2022. godine izdato od strane Kantonalnog zavoda za urbanizam, prostorno planiranje i zaštitu kulturno-povijesnog naslijeđa Bugojno – kopija,

- Ugovor o koncesiji za istraživanje i eksploataciju mineralne sirovine kamena krečnjaka i dolomita na lokalitetu "Rastovice" i "Krčevine"- općina Kreševo, broj:26/2018 od 23.11.2018. godine potpisan sa Ministarstvom privrede Srednjobosanskog kantona – kopija,

- Dokaz o uplaćenju upravnoj pristojbi na zahtjev,

- Studija za izdavanje prethodne vodne saglasnosti eksploatacije kamena krečnjaka, dolomita i separaciju na kamenolomu Rastovice i Krčevine, urađena od strane TQM d.o.o. Lukavac, broj:3595/22, august 2022. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Zahtjev je u skladu sa odredbama člana 21. Pravilnika o sadržaju, obliku, uslovima i načinu izdavanja i čuvanja vodnih akata („Sl.novine FBiH" broj:31/15, 55/19, 41/20, 63/22), bio oglašen dana 01.11.2022. godine u dnevnom listu „Oslobođenje" i na oglasnoj ploči Agencije. U postupku oglašavanja nije bilo pisanih izjašnjenja, niti izjašnjenja datih usmeno na zapisnik kod nadležnog organa.

U provedenom postupku konstatovali smo sljedeće:

U prethodnom periodu zahtjev investitora BFS Gesellschaft für Franchise-Systeme d.o.o. Kreševo za izdavanje vodne dozvole za ispuštanja tehnoloških otpadnih voda i aktivnosti koje mogu imati specifične uticaje na vode prilikom izvođenja radova na lokaciji separacije i kamenoloma, lokalitet Rastovice i Krčevine - ležište Bjelovići, općina Kreševo, je odbačen Zaključkom zbog nepotpunosti dokumentacije.

Investitor na posjeduje važeću urbanističku saglasnost izdatu od strane nadležnog organa. Nakon inspekcijog pregleda kamenoloma i pratećih sadržaja kamenolomi su zatvoreni i eksploatacija i prerada mineralnih sirovina se ne vrše.

U skladu sa odredbama Zakona o vodama, Pravilnikom o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije investitor se obratio Agenciji sa zahtjevom za izdavanje rješenja o prethodnoj vodnoj saglasnosti za izradu dijela projektne dokumentacije koja se odnosi na prikupljanje, tretman i ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja radova na eksploataciji i preradi mineralne sirovine krečnjaka i dolomita na lokaciji Rastovice i Krčevine, ležište Bjelovići, općina Kreševo u okviru odobrenog koncesionog polja, a u postupku ishodovanja okolinske dozvole i urbanističke saglasnosti za objekte i aktivnosti za koje nije potrebna okolinska dozvola i u postupku izdavanja koncesije na vodama i vodnom dobru.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Pravilnika o sadržaju, obliku, uslovima, načinu izdavanja i čuvanja vodnih akata i odredbama, Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije a koja će Investitoru biti potrebna u postupku pribavljanja vodne saglasnosti i odobrenja za građenje.

Na osnovu dostavljene dokumentacije i provedenog postupka utvrđeno je da je podnosilac zahtjeva ispunio minimum uslova za izdavanje Rješenja o prethodnoj vodnoj saglasnosti, te je riješeno kao u dispozitivu ovog Rješenja.

Podnosilac zahtjeva je izvršio uplatu posebnih troškova koji su nastali u postupku donošenja rješenje o prethodnoj vodnoj saglasnosti, u skladu sa Zaključkom o visini i roku za plaćanje posebnih troškova, broj:UP-1/21-1-40-588-4/22 od 18.11.2022. godine.

Podnosilac zahtjeva je uplatio upravnu taksu u iznosu od 80,0 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.

Po ovlaštenju

Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- BFS Gesellschaft für Franchise-Systeme
Resnik b.b. 71260 Kreševo,
- ⊙ AVP Sava, ISV-vodna knjiga,
- Sektor 40 – arhiva,
- Oglasna ploča - AVP Sava